



FRANZEFOSS GJENVINNING AS AVD FLORØ
Fjordbase Florø
6902 FLORØ

Saksbehandlar, innvalstelefon
Åsmund Skancke Karlsnes, 5764 3122

Rapport frå inspeksjon ved Franzefoss Gjenvinning AS avd. Florø

Kontrollnummer: 2024.183.I.SFVL

Kontaktpersonar ved inspeksjonen

Frå verksemda:
Frode Eikefjord

Frå Statsforvaltaren i Vestland:
Åsmund Skancke Karlsnes
Sissel Storebø

Resultat frå inspeksjonen

Denne rapporten gjeld resultatet frå inspeksjon ved Franzefoss Gjenvinning AS avd. Florø 6. mai 2024. Rapporten er å sjå på som endeleg dersom vi ikkje får tilbakemelding om faktiske feil innan to veker etter at rapporten er motteken.

Statsforvaltaren i Vestland fann 1 avvik og gav ingen merknadar under inspeksjonen.

Avvik:

1. Verksemda etterlever ikkje alle krav til internkontroll for det ytre miljøet

Avviket og oppfølginga etter inspeksjonen er nærare omtalt frå side 3 og utover i rapporten.

Med helsing

Mari Katrine Berg-Arnesen
senioringeniør

Åsmund Skancke Karlsnes
overingeniør

Dokumentet er elektronisk godkjent

Kopi til:

KINN KOMMUNE

Postboks 294

6701

MÅLØY



1. Informasjon om den kontrollerte verksemda

Ansvarleg eining

Namn: Franzefoss Gjenvinning AS avd. Florø	
Org.nr.: 917 550 743	Eigd av: 975 265 412
Bransjenr. (NACE-kode): 38.120 – Innsamling av farlig avfall	

Kontrollert eining

Namn: Franzefoss Gjenvinning avd. Florø - tankanlegg	Anleggsnr.: 4602.0149.01
Kommune: Kinn	Fylke: Vestland
Anleggsaktivitet: Farlig avfall – mottak og mellomlagring	
Løyve gitt: 31.08.2016	Sist endra: -

2. Bakgrunn for tilsynet

Tilsynet er gjennomført for å kontrollere om gjeldande krav som er fastsette i eller med heimel i forureiningslova, vert haldne. Vår heimel for å føre tilsyn er forureiningslova § 48. Rapporten gir ingen fullstendig tilstandsvurdering av verksemda sitt miljøarbeid eller miljøstatus.

Tilsynet vart gjennomført som ein del av den nasjonale tilsynsaksjonen retta mot anlegg som tek imot og mellomlagrar farleg avfall. Aksjonen er ei oppfølging av tidlegare tilsvarande aksjonar, sist i 2018. Tilsynet er ein del av Statsforvaltaren sitt risikobaserte tilsyn.

Inspeksjonstema

- mottakskontroll av avfall
- lagring og merking av farleg avfall
- vidarelevering av farleg avfall
- utslepp til vatn
- internkontroll, inkl. risikovurdering og avviksbehandling

Definisjonar

Avvik: Manglande etterleving av krav fastsette i eller med heimel i lov.

Merknad: Eit tilhøve som tilsynsetatane meiner det er naudsynt å peike på for å ivareta ytre miljø, men som ikkje er omfatta av definisjonen for avvik.

Andre tilhøve: Saker som kom fram under inspeksjonen og som det kan vere nyttig for verksemda og sakshandsamarar å kjenne til. Informasjon om verksemda og kommentarar til tema som vart tekne opp under inspeksjonen, men som ikkje vart klassifiserte som avvik eller merknader, kan også inngå her.

3. Innsyn

Denne rapporten vil vere offentleg tilgjengeleg via postjournalen til Statsforvaltaren i Vestland (jf. offentleglova) nettstaden Norske Utslipp, www.norskeutslipp.no.



4. Oppfølging etter inspeksjonen

Franzefoss Gjenvinning AS avd. Florø pliktar å rette opp avvika som er omtalte i denne rapporten så snart som råd.

For at Statsforvaltaren skal kunne avslutte saka, ber vi om at de **innan 15. oktober** sender ei skriftleg utgreiing som viser korleis avvik er retta og kva tiltak som er gjennomførte eller planlagde.

5. Vedtak om gebyr

Vi viser til informasjon og varsel om gebyrplikt som vart gitt til verksemda den 6. mai 2024. Verksemdar skal betale gebyr for kontrollar utførte av Statsforvaltaren i samsvar med § 39-3 i forureiningsforskrifta. Gebyret skal dekke kostnader med førebuing, gjennomføring og oppfølging av kontrollen. Gebyrsatsar for kontroll av verksemdar etter forureiningslova er fastsette i forureiningsforskrifta §§ 39-7.

På bakgrunn av forventta ressursbruk må Franzefoss Gjenvinning AS avd. Florø betale eit gebyr på kr 31 200,- for inspeksjonen, jf. forureiningsforskrifta § 39-7. Dette svarer til gebyrsats 2 for tilsyn av inntil ein dag. Miljødirektoratet vil sende dykk ein faktura for innbetaling til statskassa. Statsforvaltaren viser elles til forureiningsforskrifta kapittel 39 om innkrevjing av gebyr til statskassa.

Klagerett

Vedtaket om gebyr kan klagast på til Miljødirektoratet innan tre veker, jf. §§ 28 og 29 i forvaltningslova. Ein eventuell klage bør vere skriftleg grunngjeven og adressert til Miljødirektoratet, men han skal sendast via Statsforvaltaren i Vestland. Statsforvaltaren vil vurdere endring av vedtaket eller sende saka vidare til Miljødirektoratet for endeleg vedtak. Gebyret som er fastsett ovanfor, må likevel betalast inn. Dersom Miljødirektoratet tek klagen til følge, vil for mykje innbetalt beløp bli refundert.

6. Avvik

Vi fann følgjande avvik under inspeksjonen:

Avvik 1: Verksemda etterlever ikkje alle krav til internkontroll for det ytre miljøet

Avvik frå:

- forureiningsforskrifta §18-4
- Internkontrollforskrifta § 5 andre ledd punkt 6

Kommentarar til regelverket

Miljøriskovurdering – forureiningsforskrifta §18-4

Den som er ansvarleg for lagringa, sjølv eller ved hjelp av ekstern bistand, skal kartleggja miljørisiko, setja akseptkriterium for miljørisiko ved lagringa og deretter vurdere miljørisiko opp mot akseptkriteria. Viss miljørisikoen ikkje er akseptabel, skal det setjast i verk tiltak slik at miljørisikoen blir redusert til eit akseptabelt nivå. Dette er ei utdjuping av krava i § 5 i internkontrollforskrifta.



Miljøriskovurdering – internkontrollforskrifta § 5 andre ledd punkt 6

Verksemnda skal kartlegge farar og problem og på denne bakgrunnen vurdere risiko for miljøet. Vurderingane må ta omsyn til både sannsynlegheit og miljøkonsekvens og status/behov for tiltak må byggje på dokumenterte akseptkriteriar. Der risiko vert vurdert som større enn verksemda sine akseptkriteriar, må det utarbeidast planar og tiltak for å redusere risikoen. Risikovurderinga må omtale alle aktivitetar som kan ha noko å seie for det ytre miljøet.

Rutinar – internkontrollforskrifta § 5 andre ledd punkt 7

Verksemnda skal ha rutinar for å avdekke, rette opp og førebygge brot på miljøregelverket. Rutinar skal dokumenterast skriftleg og sikre at verksemda følgjer krav i miljøregelverket.

Observasjonar

Risikoanalysen til verksemda omfatta nokre risikomoment knytte til lagring av farleg avfall på tank, men utan at krava til miljørisikoanalyse etter tanklagringsforskrifta fullt ut var tilfredsstilt.

Verksemnda gjennomfører visuell inspeksjon av ringmur kvar andre veke for å sjekka nivå av regnvatn og teikn til at vatnet inneheld forureining. Dei hadde ikkje ein skriftleg rutine på dette.

7. Merknader

Vi gav ingen merknadar under inspeksjonen.

8. Andre forhold

Swire Energy Services AS drifter løyvet på vegne av Franzefoss Gjenvinning AS.

9. Dokumentunderlag

Tilsynet omfatta følgjande regelverk:

- forureiningslova
- forureiningsforskrifta
- avfallsforskrifta
- internkontrollforskrifta
- løyve til verksemd etter forureiningslova frå Statsforvaltaren

Framlagd dokumentasjon som vart nytta for å verifisere faktiske tilhøve:

- utskrift frå avfallsdeklarering.no
- eigenkontrollrapportar frå verksemnda